



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 7. Cardinalis Noailii Parisiensis Archiepiscopi mandatum ad suæ
Diœcesis Clerum sæcularem & Religiosum.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

tis perturbatoribus statuta recipere, *Sæc. XVIII.*
legere &c. inhibuit. *A. C. 1719.*

§. VII.

Cardinalis Noaillii Archiepiscopi Pa-
risiensis mandatum ad suæ Diæ-
cesis Clerum sæcularem &
Religiosum.

Cum Noaillius ceteroquin Religiosus *Acta publ.*
ac prudentissimus Vir probe nosset, *Const. 582.*

quod ipse ex utriusque Cleri Ecclesia-
sticis in sua Diæcesi morantibus non
paucis ingentem præberet offensionem,
hique ejus orthodoxiam suspectam ha-
berent, hinc declarationem, quam
Galli *mandatum* vocant, hoc anno die
tertia Octobris, ad omnes Ecclesiasti-
cos transmisit, cujus summa erat hæc:

„Literis nuper a summo Pontifice
ad omnes fideles directis ac Romæ pu-
blice affixis oompellor, ut vocem meam
exaltem, & querelas meas ad universæ
Ecclesiæ Tribunal deferam: dum to-
tus in eo eram, ut Constitutione *Uni-*
genitus passim abutentes coercerem, ve-
ritatem, sacræque Sedis honorem &
Episcopatus jura defenderem, necnon
solidam pacem Gallicanæ Ecclesiæ pro-
curarem, tunc dissensionum, ac tumul-
tum Patroni unice eo intenti erant,
ut meam fidem summo Pontifici su-

D 3

spectam

Sæc. XVIII.
A. C. 1719

spectam redderent; tantumque effecerunt, & sub nomine Capitis Ecclesiæ per universum Orbem diffunderentur literæ, in quibus Episcopi Catholici contra errorem vigiles, erga Petri Successorem devotissimi, Unitatis centro arctissime uniti, atris coloribus Hæreticorum & Schismaticorum depinguntur, atque ad Ecclesiæ gremium redire compelluntur.

Episcopus suam famam tueri obstructus, sinistras quoque opiniones de suæ fidei puritate, & obedientiæ erga decisiones debitæ sinceritate, ex fidelium animis delere tenetur: Reverentia erga illum, qui tam acerbis plagis me impetit, in me consenscens fors me adduxisset, ut suppresso dolore duntaxat in lacrimas, precesque ad Deum, ut ejus lumine ut mentis meæ rectitudo, & calumpniantium nequitia patesceret, prorupissem: Ast ubi non modo mea dignitas, sed & præcipue Episcopatus jura violantur, fundamentalia nostrarum libertatum principia evertuntur, certissima disciplinæ Ecclesiasticæ statuta pessumdantur, ac Tribunalium Ecclesiasticorum auctoritate everfa, inter Ecclesiam & Imperium collisio nascitur, haud ultra tacere possum, & quamvis ab omni telo Pontificio per meam appellationem die 3. Aprilis 1717. & 24. Septem-

Septembris 1718. publicatam tutus Sæc. XVIII.
 sim (a), ut tamen de omnibus vitiis & A. C. 1719.
 S. Canonum violationibus in Bulla con-
 tentis edoceamini, ab iis novam ap-
 pellationem interponendam esse censui:
 Præprimis vos admoneo, ne a sacræ
 Sedis, & summi Pontificis reverentia
 discedatis, nec tamen sub hujus reve-
 rentiæ prætextu cæcam obedientiam
 Curiæ Romanæ molitionibus exhibea-
 tis, nec etiam in has molitiones adeo
 insurgatis, ut simul debitam Pontificis
 venerationem in cordibus vestris ex-
 tinquatis. Pontificis Potestas est stabili-
 ta a Christo Domino, eam revereamini,
 Cathedra D. Petri est centrum unitatis
 Catholicæ, eidem immote adhærete:
 Pontifex tamen decipi potest vel ex
 propria fragilitate, vel suorum mali-
 tia teste D. Bernardo l. de Confid. non
 ergo quæcunque vobis Curiæ Romanæ
 Ministri submitunt, & forte S. Cano-
 nibus & Episcoporum auctoritati con-
 traria sunt, recipite.

D 4

Hanc

(a) Brevissima sana via, omnes quascun-
 que libuerit contra Papam, ejusque leges &
 decreta hostilitates impune exercendi! num
 forte S. Cypriani & Firmiliani declarata re-
 sistentia tam eos, quam eis adhærentes a Pon-
 tificis censura tutos reddidit, plenumque ef-
 fectum suspensivum operata est?

Sæc. XVIII.

A. C. 1719.

Hanc in rem vobis propono exemplum Lincolniensis Episcopi, qui pietate, scientia, & Zelo erga verum summorum Pontificum honorem studiosissimus, suæque Ecclesiæ libertatum vindex acerrimus, & miraculis clarus, eo tempore, quo Anglia Sedi Apostolicæ erat addictissima, contra Innocentii IV. decretum hæc scripsit (a): *Noverat discretio vestra, quod Mandatis Apostolicis affectione filiali devote & reverenter obedio. His quoque, quæ Mandatis Apostolicis adversantur, paternum zelans honorem adversor & obsto. Ad utrumque enim teneor ex divino mandato; Apostolica enim mandata non sunt, nec esse possunt alia, quam Apostolorum doctrinæ & ipsius Domini nostri Jesu Christi, Apostolorum Magistri & Domini, cujus typum & personam maxime gerit in Hierarchia Ecclesiæ Dominus Papa, consona & conformia. Non igitur est prædictæ*

(a) Observandum, quod hanc Epistolam Matthæus Parisius in sua majore Angliæ Historia recenseat, quoties autem hæc historia a variis editoribus, & Protestantibus adulteratoribus fuerit immutata, & quam exiguæ fidei sit, in Scriptorum criterio etiam leviter tinctus vix ignorat: consuli possunt Baronius, Spondanus, & Bollandistæ in Tomo V. Junii pag. 129. 167. Tom. I. Aug. p. 451. 282. & passim alibi.

dictæ literæ tenor Apostolicæ sanctitati con- Sæc. XVIII.
sonus, sed absonus plurimum & discors, A. C. 1719.
propter hoc Reverendi Domini, ego ex de-
bito obedientiæ & fidelitatis, qua teneor
antiquæ parenti Apostolicæ Sedi sanctissi-
mæ, & ex amore unionis in corpore Christi
cum ea, quæ in prædicta litera continen-
tur, & maxime quia, ut prædictum est, ad
peccatum Domino Jesu Christo abominabi-
lissimum & humano generi perniciosissimum
evidentissime vergunt, & Apostolicæ Sedis
sanctitati omnino adversantur, & contra-
riantur Catholicæ fidei, unice, filialiter &
obedienter non obedio, & contradico, re-
bello, nec ob hoc potest inde vestra discretio
quicquam durum contra me statuere, quia
omnis mea in hac parte & contradictio &
actio nec contradictio est nec rebellio, sed
filialis divino mandato debita Patri, &
vestri honoratio: breviter autem recolligens
dico Apostolicæ Sedis sanctitas non potest,
nisi quæ in ædificationem sunt non destru-
ctionem, hæc enim est potestatis plenitudo,
omnia posse in ædificationem.

His de causis, prosequatur Noail-
 lius, post maturam deliberationem una-
 cum Decanis nostris, Canonicis, &
 Ecclesiæ Metropolitanæ Capitulo habi-
 tam, hanc nostram appellationem in
 Curia nostræ unacum hoc mandato ta-
 bulas referri, prælegi, publicari, & ubi-
 cunque opus fuerit, affigi præcipimus.,,

D 5

§. VIII.